



00479

碧山學士集卷之十四目錄

書東

復許敬庵

東趙定宇

復蕭乾養給事

東張岱嶼

東徐太室巡撫

東趙灤陽

復劉少嵐太守

復鄒應耀中翰

復何震川少宗伯

東袁了凡

復吳環洲總督

東董章吾

復徐存翁相公

東朱大復諸進士

復鄒應暉

復陳夷山都閫

東孫蜃川大司寇

東沈霓川憲副



赤名之序

白河文庫



碧山學士集

卷之十四目錄

二

復傳後山總漕二

東張心宇春元

東周仲廉上舍

東沈繼川內弟

東陳豫吾

復張鳳翁老師

復林警庸學憲

復王師竹翰檢

復毛小山太僕

復公東塘

碧山學士集 卷之二 目錄

東李寅城總兵

復王忠銘司成

復沈晴峯太史

復梅春濤進士

東顧冲菴巡撫

東林三教先生

復余幼峯司業

復王環伊學憲

復柯栗臺

復王對南相公二

復吳景山年丈

復李夢池年丈

復傅順所大理

復陳玉壘

復王麟泉中丞

柬李中石節推

復滕少松巡撫

柬熊陸海

復鍾文麓侍御

柬莊洋山巡撫

復舒心矩編修

柬凌洋翁老師

碧山學士集卷之十四

馮李黃洪憲懋忠甫著

書柬

復許敬庵

時冊封歸省

某椎魯豎儒僕遯不足數每遇名公碩士竊延頸
跂躄傾蓋投誠豈徒希附英遊實欲藉爲師淑耳
昨會城一望芝宇極慰生平門下淵養奇抱議論
手采犖犖非塵寰中人倘廟堂推轂俾得展其驥
足知儒者作用當自迥別不佞竊有殷望焉台駕
何時北上弟行期未卜老父欲俟家兄歸始有定
計倘得遲遲吾行尚圖蒲伏門牆一領玄誨也伴
旋草復嗣容再布

柬趙定宇

昨歲祗役南還蒙丈多情繾綣無論帳飲瓊投卽
雄篇寵別百朋足逾哉感激激驟聞抗疏之報
令人驚怖二丈直氣敢言聲震朝野村夫里嫗靡
不嘖嘖豔慕箠楚非痛落籍非辱也弟碌碌無補
分當引退柰家君苦促北轅四之日業已束裝舟
過毘陵始得丈歸信遂弗及登候以傾積懷豈勝
悵惘敬具不腆端人奉訊興居惟門下財察

復蕭軋養給事

往時共策中秘朝夕相從嗣後彼此參商動成濶
別每念盛雅心旌搖搖丈冒鯨波之險頒詔外夷
今且竣事而還天朝膚使丈夫壯遊令人兩相豔
慕弟嘗妄謂王者制馭夷狄惟取羈縻如安南琉
球等國第令陳書界上彼來就封何至勞中國以
奉夷狄波臣失事其損小夷性叵測其損大王文
忠之事可鑒矣丈入朝上書言之亦所以尊中國
而重朝廷也未行而上疑爲身謀旣行而上實關
國計高明以爲何如敬因役便奉迓前驅并以狂
碧山學士集

卷之四

二

夫之言進

東張岱嶼

不肖受知門下蓋亦有年往歲祇役南還辱門下
驢餞稠疊旣祖取道復厯使命盛情慙渥鏤鏗肺
肝秋月抵家嗣聞太封翁之計隨遣一介行李唁
候京邸而門下已馳傳南矣今夏入都會老師還
朝詢知門下未有行色良賈深藏實他日大雋之
地旣仰跂高雅行復自念也無何惟此大故苴絰
南奔上之未能展布一籌酬明時知己之遇下之
不能辭祿養志遺三釜之悲每一言泣數行下且

世路險巇，辱軀羸弱，雖欲執鞭弭，以從左右，邈何日矣。因張見洛，差人之便，肅此附候，與居苦次中，率俟容而布，不宣。

東徐太室巡撫

兩承翰貺，通家雅誼，肫肫情見乎詞。太和之遊，又蒙遣力先導，使輿人羽士，順若轉圜，且高處廣寒，盛暑不到，而山靈知翁雅意，白雲冉冉，時蔽陽鳥，遂得畢茲勝覽，雖不敢上希司馬氏之壯遊，亦生平奇邁也。敢一日忘尊賜哉。佳刻稍一披閱，真足闡明奧旨，羽翼麟經，領教非淺鮮矣。因尊役旋肅，碧山學士集卷之十四

卷之十四

三

此附謝統惟台照不宣

東趙澱陽

某椎魯豎儒，微時厚幸，濫登仕版，如冥行者，擿墮索途。日虞顛躓，所賴明公教庇，振弱砭愚，不謂轉眼參商，令人扼腕。自輅車入粵，不肖尋遭大故，自傷酷罰，萬死莫贖，乃以爲門下憂拜命之辱，重拜大貺，竊知感佩而已。門下文章氣節，望重海內，不日環召內廷，拜麻當軸，使天下蒙正人君子之澤，不佞翹首而俟焉。東山之懷，願且置之。風便肅，此

附謝并布候私伏惟台鑒

復劉少嵐太守

某嵬瑣鄙儒，微時厚幸，得策名仕版，濫尾顏行，卽未肯承顏接辭，望履絢幕下，而英聲茂實，游揚縉紳間，竊耳熟而心嚮之矣。邇惟剖竹名邦，榮問休暢，齊魯間談天雕龍之士，昔所謂坐徂丘議稷下者，誰不仰望清光，並入陶鑄哉？而猶千里命使，存問下材，且獎詡溢情，惠貺稠渥，開函捧讀，感慙交集。賢公子翩翩雋才，承教雄章，琳瑯璀璨，計三秦無出其右者。異時蜚聲鼎甲，擅譽詞林，僕願執鞭弭，以從左右焉。俾旋肅此附謝，并布候私，伏惟台

鑒

碧山學士集

卷之十四

四

復鄒應曜中翰

今號大澤

燕越相距，不啻數千里，而遙辱使命，儼然來覲，發函伸紙，何文采之鉅麗，而慰諭之綢繆也。追思往者，不佞釋褐，日逐隊顏行，飛刺投報，幸得息馬，祇供偃卧，一切親知，聞問俱且廢絕，乃門下登籍者，新人事雜，逕顧數厘，手教存問，故人纍纍，數千言，瓌璋奪目，豈惟交情世誼，超出輓近，蓋所謂至人櫻寧，而萬物炊累，他日持衡，饜事如庖丁解族，遊刃有餘，此足嘗其一齋矣。敬服敬服，先大夫蒙賜

腆奠感咽移辰不肖業已禫除儻徼尊庇不爲明
時所擯當蒲伏都門以報明德也足下青年振藻
齶龍虎之文鷹揚寓內不佞老冉冉至矣卽欲搨
朽摩鈍搽鉛槧以供侍史寧渠能乎緣初除多務
且婚嫁叢集卒卒無須臾之間恐久稽使者率爾
附復諸未遑覲縷

復何震川少宗伯

某謏陋復廁班行皆荷門墻培植之賜方儼日侍
函丈飫領教澤奈先生忽有大故極目素車幾欲
潸然嗣承次公函問尤切但悼第川途阻修未緣
碧山學士集 卷之十四 五

展慰中夜耿耿顧辱先生存記德音遠頌長跼讀
再四卽行路爲之酸鼻誼忝通家其侘傺更何似
矣緬惟老太師儼然黃髮所願望于先生良厚且
甘盤舊學側席方殷願節哀強飯以需爰立南望
台光鶴立跂佇敬因使者申謝蹇淺不恭伏惟台
鑒幸甚

東袁了凡

十載知交受益良厚去冬相期入都延頸跂踵朝
夕以俟庶幾相規相勸左右夾持以無負斷金之
義柰何乘輿而來聞戒而出弟亦曲謹畏嫌不能

力挽去轍。蓋中人無大才氣。止可妮妮自守。或無大過。至于揮霍圓通。此非大學問。不能。弟有愧屈而已。來教諄切。極中膏肓。然弟所規于兄者。則以兼愛太過。交遊太雜。任事太敢。此中猶可商量。蓋賢知之過。與愚不肖等耳。宣聖周流天下。心切濟時。而卒不許從。井救人。墨翟兼愛。孟氏辭而闢之。然自是他一種學術。要非有自私自利之心。吾輩自省。果能脫然而無累。否耶。夜氣清明。種種畢露。是以君子貴慎獨也。因翔便聊布區區。知我罪我。則惟尊命。

碧山學士集

卷之四

六

復吳環洲總督

某。吳下蒙也。辛未之春。濫從子大夫之列。辱明公以先君之雅教。愛備至。感切肺腑。十餘年來。碌碌無能表豎。惟見明公文武壯猷。策勲彛鼎。今旃裘款塞。鳴鏑不聞。伊誰之賜也。某適承乏有三韓之役。猥蒙垂念。遣力護行。感佩盛德。先附歸役。報謝俟抵遼陽。當端布。不宜。

又

惠徵寵靈。已抵廣寧。恭遇遼左大捷。執訊獲醜。益徵元老壯猷。麟閣論功。當虛端揆。以待。卽駢駢征。

夫不復歌行路難矣材官精敏執役惟謹推尊愛也因其返命肅展謝忱伏惟台鑒幸甚

東董韋吾

朝鮮歸

夜承蛟公下顧言闈中事已定莫可誰何此同老厚意寧不知感但不肖馳驅三月心亂神疲至今目眚未愈原非水鑑寧免五色迷乎卽兒曹初上春官未必驟能取第而使之抑鬱不進情則何忍皇華在道室人嘗數歸期今且妬予歸矣事屬至迫懇丈卽以此情達相公見朝後自當面辭并九頓以謝不一

碧山學士集

卷之四

七

復徐存翁相公

往夏從衆修虔愧非專悃迺承翰貺遠頒不勝感慙天壽平格柱石明時豈惟袒割乞言日履聖念安車蒲輪行且從天而降矣幸顛精神強食自愛以承天寵以慰輿情不任激切仰戴之至謹附使者稱謝以復

東朱大復諸進士

諸公初仕一切宜從節省僕隸無端乃蒙重犒一之謂甚其可再乎夫小人何厭之有煩執事傳語諸公萬勿傷惠迺見體亮慎毋以常例爲解是望

復鄒應驛

程先生入都門使都門大重今且開平津之閣收
天祿之儲程先生當冠羣英良足張楚計足下且
爲彈冠然無枝癢乎山中日長著作必富願言惠
教以開蓬心母謂我老大而棄我

復陳夷山都閫

足下仗鉞擁旄自薊北而粵南也朔雪炎風並歸
鞭撻將請纓繫組勒燕然而標銅柱斯其時矣乃
來教深自貶損金貂衮服等如糞土贅疣至欲散
髮康衢逍遙方外豈畏中山謗篋或不能展驥足

碧山學士集

卷四

八

耶漢伏波據鞍顧盼至欲馬革裹尸卽意以見疑
虎賁騰謗終不能損威名之萬一願足下勉樹功
業以報朝廷無以投杼生疑自貽伊阻南粵多勝
將軍善歌緩帶龍江鳴鏡鯨海詩囊計已充仍倘
可惠教以開蓬心乎僕冬月奉使三韓跋涉數千
里擔未息肩復備負闡棘形神俱敝時有豐草長
林之思耳遠承翰貺多荷雅情敬拜謝于將命者

東孫蜃川大司寇

某僕邈無似幸生長者之鄉渠饒時親典刑在望
飲醇德則玼吝潛消挹謙光則夸毗自釋雖壽陵

學行不能趨武萬一而高山仰止何嘗頃刻不在左右哉顧風塵荏苒未遑一介起居自慚疏節無所逃罪乃辱長者猶然記存遠拜昂翰僂僕莊誦愧汗且簌簌下明公逍遙綠野繫望蒼生聖明方訪落求舊弓旌輿軫當先鵠水之濱矣次君淵源家學視一第何啻探囊乃復抱壁而歸豈造物者欲厚其材爲大用地耶摩天之翼固不妨六月息也敬裁尺牘聊申候私蹇淺不恭伏惟台鑒

東沈霓川憲副

客秋仰籍寵光猥行納采兼葭倚玉豈不穀是能

碧山學士集

卷之十四

九

微福先大夫之蔭實式靈之惟時奉役三韓控惚戒途未遑修只尺謝左右五內如灼邇諭台候萬福龍卧累暮蒼生繫望主上方眷求耆碩羔鴈成羣恐青山白石非長者優游地也親家持節畫錦綵侍承歡融融洩洩奚啻美門崆峒卽不肖數千里相望且神爽飛越矣第承明金馬之庭草制說書方簡擇而使定省稍暇幸早爲勸駕以副廟堂堂虛席且慰故人停雲也小僮歸敬具不腆肅將候忱伏惟台慈垂鑒幸甚

復傅後山總漕

某朱愚無似，惠徽先人寵靈，得父事長者，顧不肖
溢尾朝紳，而元老壯猷，屢借旌旄，藩宣四國，遂不
得一瞻袞舄，而高山景行，未嘗不時在左右也。
今聖天子寤寐英賢，弓旌岩穴，起安石于東山，
而俾之重地，行見河海安瀾，蜚芻百萬，勒旂常而
銘鍾鼎，可超足而待矣。末學小子，未遑一介修賀，
而鼎翰瓊儀，從天而下，僂僂拜命，豈勝感激，敬附
使者申謝，伏惟台鑒，不宣。

副啓

庚午之歲，聞有假賤姓名，告難于門下者。門下推
碧山學士集 卷之四 十
世講之誼，發乍見之仁，推食解衣，憐憫特至，捐金
市骨生者可知。卽不佞親受惠，不啻若是感激也。
顧荏苒歲月，未有以此情聞門下者，惟中心藏之，
永矢弗諼耳。敬承便羽，敢布腹心，令親趙君魁然
丈夫也，承教領悉，謹復。

東張心宇春元

弟去歲奉役三韓，僕馬風塵，脩嘗險阻，歸未煖席，
驟有瑣闥之命，掃軌杜門，親朋遠跡，班荆論心，擬
在竣役而門下且彈鋏歸矣。厚意不報，薄情未申，
故人之謂何。門下卓識環材，自是殊絕人物，而貂

裘屨敝荆璞未投豈龍頭老成彼蒼或有意乎願
珍重以慰知己蒼頭歸敬附起居

東周仲廉上舍

燕臺市駿而令驥服鹽車母迺相者舉肥耶不佞
殊爲扼腕然世豈無伯樂過都歷塊當且有時願
藏器以待不佞奉使三韓跋涉萬里歸未弛擔卽
脩負闡棘風塵鞅掌未遑一介展布遠承惠訊多
荷記存謹此附謝三令弟亦名家駒也鞭策可前
幸足下時時督課之

東沈繼川內弟

碧山學士集

卷之十四

十一

丈之上春官也遊子還轅席未暇暖驟以瓊闈之
役掃軌杜門詎意冥鴻鍛羽彈鋏南歸悵焉握別
至今耿耿何日抵家計此時伯燠仲篔爲壽兩大
人前亦足解頤矣駒隙難留卽年不再足下英資
粹質爲不佞少年所物色今脫穎有徵願猛着一
鞭以需後舉三年不鳴鳴卽驚人幸足下自愛

東陳豫吾

敝郡微借寵靈不佞父子兄弟函蒙覆露顧風馬
濶隔未遑一介起居爲罪門下聲望翹然青瑣蘭
臺業已虛席卒乃矛盾竟不知其由大都士君子

肩重致遠惟不亟用。迺能大用。圖南之翼息以六月。然後搏扶搖而上之。何難哉。幸門下自愛。虞進士時頌明德。此生竒才。然非不佞當之。鮮不按盼而走矣。因渠人便肅此附候。并報知已。

復張鳳翁老師

老師負天下之望。晉宅首揆。破觚斲雕。順流更始。薄海內外。方喁喁嚮風。謂太平庶幾可興也。不謂太翁之計。縞車遙奔。使輔德弗終。膏澤未究。豈惟門生小子恨失所天。都下縉紳多扼腕長嘆。思挽轍而不能也。使者捧台翰至。知素旌已登里門。不勝欣慰。顧鴻猷碩望。簡在聖明。安車蒲輪。豈俟禪除之後哉。願節毀尊生。爲社稷自愛。敬因使者附申謝悃。并布千里勤倦。伏惟台慈垂照。

復林警庸學憲

某吳下蒙也。微有天幸。獲侍長者于承明之廬。日惟執鞭負轡。望先茅以從事。詎意長沙屈賈前席。久虛舉朝。皆爲扼腕。蓋門下命世英才。天將大任。今且耕莘釣渭。養晦俟時者。幾十余年。卽土苴緒余。將猶陶鑄堯舜。不日披麻紫闥。秉軸黃扉。今天下想望風采。不佞蓋跋而待焉。吳山越水。幸借文

星驅胥江之濤一洗菰蘆之陋不佞卽無能承教
下風而所得沾漑于吾黨者亦旣多矣秋風木末
悵望爲勞臨楮無任馳越

復王師竹翰檢

去秋握別忽再授衣足下乘輶覽勝足稱壯遊第
簡書可畏而天祿石渠校讐有待恐不宜久滯周
南也北堂壽豈卽板輿入都優游祿養豈不稱愉
快哉使者反命敢爲勸駕

復毛小山太僕

去歲于役往返漁陽得快睹台顏以慰契濶屢蒙

碧山學士集

卷之五

十三

寵召而蹢蹢征夫每懷靡及竟不得一聆款教殊
以爲歎邇者朝政維新弓旌巖穴門下茂膺簡命
新拜奉車且滁陽山水絕勝暇時綏帶其間足稱
吏隱第深資碩望旦夕樞衡倘得借重旌旄開府
兩浙東海波臣竊有深幸焉適承翰貺且辱令姪
世兄遠顧多荷瞻存敬此附謝伏惟台慈垂鑒不
宣

復公東塘

憶昔秘館同遊得執鞭弭以從左右聯驪捧袂盖
亦有年柰人事參商難聚易散嗣以崑岡裂燄玉

石俱燬使丈厭承明之廬。積林棲鳳其何以堪。今公道大明。端人彙進。而丈猶逡循。郎曹未慝衆志。然賜環之命。匪旦伊夕。當不乂滯周南也。弟陸沉。此中了無善狀。且孱軀多病。老冉冉將至。豐艸長林之念。惟寐忘之耳。此僅可與知己道。使者反命。肅此附布區區。晤對未期。不勝耿耿。

東李寅城總兵

昨來奉天子尺一。往布三韓辱門下。一再款洽。賓筵楚楚。禮文秩秩。盛德隆情。蓋可貫而佩也。入都碌碌。未能馳一介行李爲謝。是歉。恭惟門下龍韜。

碧山學士集

卷之十四

十四

豹畧虎視。鷹揚嘗披堅執。銳親冒矢石爲國家屢立奇勲。今遼左宴然。櫜弓卧鼓。誰非明公之功。僕往度遼實所熟知。雖不知者。噴有煩言。然公論具在。無足爲門下累也。每念高情。不勝翹注。敬因敝鄉阮君之便。肅此附承。動定并布謝私。伏惟崇炤。幸甚。

復王忠銘司成

孟陬之月。獲拜瑤札。天涯遊子。方結軌還轅。未遑覩縷報命。而長者乃數數存之。辱承手教。兼惠佳刻。僂僂登嘉。竊知感佩而已。金陵化雨。及暮六館。

青衿行且雲蒸霞變。第夔龍重望。間在宸衷拜麻。當軸翹足可待。當不久滯周南也。某朱愚如昨。願聆緒教。不啻寒而思春。門下何以策勵之。使者還南嚮。肅拜以謝。尊命之辱。伏惟台照。幸甚。

復沈晴峯太史

某椎魯豎儒。如冥行索途。罔知祈嚮。而門下以戚里之故。矻愚扶弱。亦既有年。迺今遠違教範。晷辰日聞。不得長者餘光。振之竊未知所稅駕矣。今君子道長。賢俊羣升。門下重望深資。駸駸發路。而猶逡巡在告。廟堂側席。鈴索諸公。皆停雲而思也。不肖雅托鈞陶。引領仙旌。日月以冀。願言遙發。以慰仰止。遠承翰貺。多荷瞻存。敢肅使者以謝。伏惟台鑒。

復梅春濤進士 今號大庾

不佞備負闡棘。雅非學禮者。尸祝代庖。祇惧弗稱。而一時英雋魁壘之士。幸入網羅。輒沾沾自喜。籍是以塞責也。既而秘館儲英。意執事青年高第。當且哀然首選。增光詞林。以故力爲挽轍。而執事念切倚閭。拂衣遙發。此其根本節目。眞有大過人者。僕固爽然自失矣。駒隙不停。盛年非再。執事娛綵。

之暇願且杜門掃軌玄覽博綜凡經史子集與夫國朝典故一一究心以爲他日發揮張本此狂瞽所欲自獻也遠承翰貺多荷相存敢肅使者以拜尊命之辱

東顧冲菴巡撫

恭惟臺下仗鉞幽并執訊獲醜捷書飛檄趾相錯于道旂常鍾鼎之業史不勝書健羨健羨不佞昔使朝鮮度遼陽人有言三衛可兵大寧可復患在兵弱民寡第募民實遼左數年生聚訓練俟物力完足可守可戰然後興大兵分數道出左右翼擊

碧山學士集

卷之四

十六

之遼攻其東薊攻其西廣寧諸道兵衝其中堅又或以利啗西虜令合兵進討許卽以撫賞之資加其歲幣或陰說土蠻并力進兵許其歲歲貢市不絕虜貪漢財物必且欣然聽約束是以蠻夷攻蠻夷也矧土蠻肥大不耐久騎苟無屬夷爲之嚮道必不敢南下而牧馬不佞一聞斯言竊有請纓折箠之思顧事難踰度不敢輕以語人惟門下碩畫壯猷老成長慮籌此固已熟矣儻得示教以慰緯髮之恤不勝大願

東林三教先生

昨歲承乏濫役大邦試事一竣卽欲樞趨門墻餒
領玄誨因刻錄日久多費縣官供給遂重趼入都
不獲一望履絢至今懷歎惡可當吾世而失林先
生聞先生陳義甚高無論及門之士得負墻請益
卽山陬海澨走尺牘問竒如叩洪鐘擊巨鼓相應
荅如響人人各如其意所欲出先生真天下士也
敬因蕭令之便而通姓名于下執事願竊有請焉

復余幼峯司業

頻年供奉承明追陪衮舄惟門下坦衷汪度飲人
以和回首春風不覺停雲而思也留都首善借重
碧山學士集卷之十四
七
師模冠帶環橋彬彬知所興起且璧雍錦里相得
益童會稽印綬不足誇矣遠承翰貺多荷睠存謹
附使者以謝

復王環伊學憲

乙酉之冬弟自閩歸取道鉅鹿初冀息肩半日話
舊通宵少叙十五年之濶不謂夜分稅鞅人極馬
疲傾蓋一談依稀入夢方假宿遽廬而驪駒又在
門矣簡書可畏友誼難忘每一興思心旌搖搖足
下典文三晉桃李滿門史稱堯舜故都其民儉質
有蟋蟀山樞之風今國家方正文體黜浮華而還

古朴一變至道。此爲近之。舉業正式。想已頒行四方。第恐功令。雖新錮習難變。求平正而反失之庸淺。又可慮耳。弟能淺薄。濫竽講幄。僂僂升高。見短尤易。足下其何以振之。

復柯栗臺巡按

逐隊都門。過蒙雅愛。彤駟南指。瞻戀彌殷。三楚雄藩。實爲湯沐重地。幸借惠文彈治之。繡斧一臨。春膏秋霜。威惠燁達。然芒芒郢都。若敖氏之鬼在焉。肅殺之後。當有陽春。悠悠世情。莫可告語。幸仁人長者。垂意而憫恤之。遠承翰教。多荷瞻存。敢肅使者。以謝并布腹心。伏惟台照。

碧山學士集

卷之五

八

復王對南相公

恭惟相公閣下。學擅儒宗。才優王佐。聖天子勵精圖治。簡求名德。晉位台衡。拜麻之日。天下想望。手采以爲明良際遇。太平指日可興。詎意忽逢家諱。素鞞遄歸。且相公純孝。哀毀骨立。觀者靡不歎欷。泣下卽此。足以風世矣。顧社稷之身。朝野倚重。願節毀尊生。爲國自玉。以慰聖明側席之懷。都人士歸衮之願。其下情無任激切祈懇之至。

又

其僕邀無似辱相公特達之知實此生厚幸稚子
朱愚復荷洪造陶鎔濫廁縉紳之末如牛溲馬渤
並登藥籠庶幾終身得所因宗矣乃閣下奉家諱
而西悵望素旌父子相對歔歔思欲挽轍而弗能
也閣下碩德重望簡在聖心特恩曠典豈謏劣所
能導揚惟是安車蒲輪日月以冀是所眷眷於懷
者耳賢公子績學高才過自謙抑方懷跼蹐無以
自容適承鼎翰遙頒獎詡溢分益增感悚貴縣大
尹勅文敬聞命矣

復吳景山年丈

碧山學士集

卷之十四

九

老丈卷碩人之軸巖居川觀蓋十有七年矣第不
能窺其涯涘讀著述諸篇蓋已獨契道真深入理
奧所養如是而不能出其緒餘以維世道如蒼生
何承示疏草益徵高尚之志永矢弗諼第昔未拜
官今非應召疏中恐無以爲辭惟令舍人促治裝
星言夙駕俟授官之後爲所欲爲未晚也銓部諸
年丈意亦如之惟高明財察

復李夢池年丈

相知契濶聞問曠疎豈勝悵惘自宮府鼎革以來
弓旌四出羔鴈成羣凡昔與江陵水火者靡不驟

至通顯充仍京朝而丈起家獨後復又翱翔四方
主爵者不爲破格似非所以待高賢也聞丈頭顱
半白第顛毛亦且種種俯仰人世憂讒畏譏寧若
掛冠神武逍遙湖海一畢此餘生耶聞中山水甚
竒法網頗密第昔年典試徃徃見小吏稱苦輒思
解綬在驛遞尤甚惟丈仁慈愷悌撫摩而輿休之
近世人情吊詭爭務慘礪以博名高絕無忠厚長
者之意言之可爲扼腕主持世道返薄還淳惟是
二三君子亟爲留意順風而呼其勢便也第陸沉
銅馬無所短長或徼庇幸免大計一丘一壑吾將
旋草此附謝種種有懷不遑覩縷

復傅順所大理

往者官府鼎革之後弓旌巖穴羔鴈成羣一時登
臚陟巍者蓋十人而五而丈獨急流勇退矚然塵
滓之表此豈可與卑世儕俗論淺深哉數年來議
論紛紛國是靡定說者恒以足下出處卜世道安
危適得華札知台駕已入金陵令人神爽飛越今
至上神聖獨攬乾剛而秉樞要者彬彬多一時之

選藉令行所無事自可以坐致太平而翁訛異同
竟無虛日非有道之世所宜有也丈負天下之望
順風而呼一言奚啻九鼎幸主持世道挽回人心
俾不激不隨一登太和之域天下幸甚弟無所知
識何能有所補益然千慮一得聖人擇焉幸毋曰
嫠不恤緯而憂宗周也使者返命附布區區

復陳玉壘

門下英聲茂實領袖詞林且啓沃功深拜麻伊邇
天不慙遺元老俾門下斬焉衰經匍匐而歸哀毀
垢柴見者酸鼻矧不佞談虎傷心見月思喘不自

碧山學士集

卷之十四

三

知其獻歛而於邑也顧喪不毀瘠禮有明訓願節
毀尊生爲社稷自愛異時鹽梅聖德霖雨蒼生銘
鍾鼎而勒旂常益恢先政之鴻烈孺泣嬰慕又成
小節矣遠承翰教多荷齒存敢肅使者以謝尊命
之辱

復王麟泉中丞

明公直節正氣天下莫不聞而議論常依忠厚如
景星慶雲世爭快覩人心國是所賴以維持者不
淺乃今擁中丞之纛坐鎮大江檠戟一臨威明燁
達如燃犀牛渚罔象潛消不日駸膺蘭命秉樞持

衡蓋可跋而待也不佞欵啓寡聞荷蒙噓植而家兄又廁陶鎔之末書來具道盛念不佞何識何修而得此于門下也感刻銘衷筆舌難罄敢肅使者以拜尊命之辱伏惟台鑒幸甚

柬李中石節推

萍水都門獲接紫芝眉宇私心快覩以爲景星慶雲真王家棟梁之器也而門下垂念世誼睠顧殷厪盛德謙光令人跼蹐邇諗星軺已蒞雲間膏雨隨車頌聲載道不佞家在隣封重霑河潤竊有厚幸焉邇聞大浸稽天歲且不稔縣官徵輸孔亟不審當道何以處之適因翔便肅此附候興居蹇淺不恭伏惟台炤

復滕少松巡撫

臺下文武壯猷萬邦爲憲吾浙徼有天幸獲借福星士沾化雨民蒙濊澤至今白叟黃童懷袞繡而望旌旄者蓋無日無之也聖天子睠焉南顧俾明公復以鈇鉞鎮之榮戟一臨吳山生色某匏繫京師弗克隨鄉大夫後負羈前驅而拊髀雀躍之私豈後於并州父老乎顧轅門峻肅未能持一介行李奉賀台端乃承鼎翰先施多感多愧邇聞大浸

稽天歲復不稔兩浙災旱頻仍家如懸磬杼軸空
於織室脂膏竭於轉輸非破格蠲恤民何以堪頃
得臺下報災之疏一時士民在闕下者靡不舉手
加額歡聲如雷其在鄉國更可知矣顧杞憂竊恤
復有可慮者往嘉禾歲饑羣不逞贅聚揭竿望屋
而食有司殊不能禁嗣後軍民內訌幾爲亂階今
饑寒困迫萑苻之間尤多可虞建威銷萌臺下自
有碩畫何俟不佞緩頰也桑梓關情不覺覩縷伏
惟台慈垂鑒幸甚感甚

東熊陸海

碧山學士集

卷之古

三十一

昔年獲侍英遊聯鑣並轡每羣衆中擁丈至譁浪
歡噓至不能闔頰乃今思之恍然夢寐矣卽邇者
都門逐隊曾幾何時而熊軾已南遽成契濶猶記
別時奉邀二丈龍門豪興待丈始餐而丈乃赴別
筵來時昏酣特甚客不敢醕主不敢敬至今猶懷
悵快今丈儼然執憲郡守縣令膝行而前豈不稱
尊貴哉而龍門竟入鬼錄人生行樂耳湏富貴何
時斯言誠爲達論近來酒賜詩思不減昔時否第
恐執法在前觀法在後第視丈近來繩趨矩步更
甚於他人此實巍臚之兆毋乃爲桎梏乎一笑一

笑茲因順昌孫大尹之便敬附起居順昌係第鄉
同年其人恂悞無華必能實心愛民者百凡乞賜
培植惠孫令惠第也

復鍾文麓侍御

逐隊都門過承教愛而門下衣繡斧直指秦中既
慕壯圖復懷離索門下有卓犖俊偉之才而持之
以縝密老成之見理煩治劇游刃有餘不佞嘗聞
長老論茶馬之事謂自土木之變邊場多故金牌
之令不行而茶馬之政寢失陝課日增而弊源滋
甚川課久弛而明禁未嚴雖以楊文襄經理之未

碧山學士集

卷之四

十四

能盡復其舊此皆捕風繫影之談要非親履其地
不能曉暢其事也竊謂以茶易馬立法甚善安所
繆盩而陵夷若是抑不知招番之所易者果皆駉
牝而適於用歟其與宣大市馬得無有相似者歟
生不閑時務而願學之心不敢以不敏爲解門下
誨人不倦幸推原始末根究利弊一一而詳教之
不佞受益弘矣遠承華翰敬附使者以謝尊命之
辱并請教于左右

東莊洋山巡撫

二難競爽何謝機雲乃聞次君濫先朝露幾爲切

怛然覆水難收。墮甌莫顧。寧爲東門吳。無爲西河
卜也。不佞豈無喪予之悲。而竊以此相慰。誠審予
命耳。葉令高文。登係不佞鄉同年。且係至戚。才猷
卓犖。如于將莫邪。所至迎刃。乃今幸處囊中。自當
脫穎。而見何煩。不佞緩頰哉。顧明珠以暗投。遭賸
枯木。以先談致功。故因其行也。而敢爲紹介于門
下。仰祈推愛。曲賜培植。與榮多矣。

復舒心矩編修

足下弱冠登壇。歲蕤芳郁。爲詞林赤幟。不佞雖禮
先一飯當退。三舍避之。小兒幸尾。顏行時欲執麤

碧山學士集

卷之十四

五

韃以從左右。而足下馬首南矣。垂天之翼。息以六
月。博綜玄覽。盡窺二酉之藏。豈直懷鉛秉槧。將雄
視詞壇。異時舟楫鹽梅之業。軼古耀今。從此基矣。
健羨健羨。遠承翰教。多荷睠存。敢肅使者以謝。伏
惟台照。

柬凌洋翁老師

久缺修候於門下。負負無可原者。適於大兄所聞。
有意外之變。殊爲駭愕。老師文武壯猷。邦銘鼎
天下。服其助。急流勇退。闔門養威。天下高其節。誠
朝廷所視。以爲老更。鄉國所重。以爲著蔡者。而偶

爲後進少年所詬詈寧無有忿恚而不平者乎顧
老子曰柔能制剛弱能制強平原君不殺一笑譬
者門下之客紛然引去至其能容田部吏法用事
者九人而其賢益彰其勢益尊趙國賴以爲重此
二事者足以觀矣矧事關儒校則清議易興忿起
諸生則衆怒難犯孔子曰以直報怨今日之事又
非較曲爭直時矣語云山藪藏疾川澤納汙老師
以達尊長者而視後生晚進其理直其勢順寧不
如車輪之加螳臂哉而要之隋珠不爲彈雀狐父
之戈豈以鑿牛矢也望老師回霜收電忍詢匿瑕

凡周事之僕發難始禍者悉出以付有司聽其處
治一以洩諸生烏合之忿一以養大臣闔門之威
天下必不以先生爲示弱而以先生爲長者能下
士也彼諸生亦皆齒衣冠誦孔孟者豈終負固不
服亦且感德懷慚杜門齟舌諫然而理解矣夫佐
雖者嘗佐闔者傷門下士誼關休戚不能劾同室
披纓之義以赴緩急廼以腐儒之說冒進於閣下
雖事難踰度于理勢或有不得不然者卽大兄之
見亦謂其宜爾也惟老師矜其愚不錄其罪而垂

碧山學士集卷之十五目錄

書柬

與郭中尊論田糧積弊書

與趙定宇

柬鄒南臯

復周傲川

柬陸伯生

復趙澈陽

復李翼軒

復朱大復

碧山學士集 十五卷目錄

復王荆石

復管悅齋

復習豫南

柬虞德淵進士

復賈石葵巡撫

復溫一齋巡撫

復鄧定宇太史

復蕭乾養太僕

復馮具區

柬賀道星

復沈貞石

復王洪陽武選

柬楊廉峰侍御

復吳景山年兄

柬董潯陽年伯

碧山學士集

十五卷目錄

二

碧山學士集卷之十五

樵李黃洪憲懋忠甫著

書柬

與郭中尊論田糧積弊書

某頓首啓不肖兄弟有祖遺田四百六十餘畝田坐嘉興而糧額原在秀水今經六十餘年黃冊昭然萬曆九年清丈緣田界兩縣犬牙相連以致彼此推調失于報知及業戶自行首明嘉興顧侯丈明照舊歸會秀水辦糧案卷具在且丈後辦糧又四年于茲矣夫嘉興糧額較輕秀水糧額較重避

碧山學士集

卷之十五

一

輕趨重此豈近于人情哉不過因仍舊額彼此難爲更張耳詎意積書慣行乾沒久肆侵牟乃欲那東揜西以圖倖免混將前田開報應陞糧數夫所謂應陞者乃前此無糧而今始陞之謂也寒家祖父以來自嘉靖三年辦糧至今毫無虧欠若曰應陞則前所輸納誰則侵之若曰有糧而又應陞是一田兩科祖宗二百餘年來未之有也且田屬嘉興而納糧久在秀水則開報應陞宜在嘉興不宜在秀水豈曩者關會冊籍嘉興獨存而秀水頓亡其籍耶據縣卷云嘉興縣關會明白無容別議又

云萬曆十年分糧米櫃銀俱各完納圖長業戶各
具不致欺隱甘結是宜入縣總歸正額矣何爲三
載尚不入厥而反作餘米項下徵收乎又卷云辦
糧不缺已申詳作爲舉人水手歲考等項不敷銀
兩作正支銷訖矣何至於今而又欲陞糧乎誠愚
兄弟所未解也頗聞里書串通冊總往往受人賄
賂隱匿田糧輒將官戶田多者朦朧捏報蓋該縣
會計止有此數此陞則彼隱故自丈量後積書人
等每有無糧之田索重價以售愚民卽此類也其
餘陞之糧又不入公家而盡歸私橐彼雖田連阡

陌自有餘陞者抵稅而安享無征之利吞舟漏網
莫可究詰且其弊更有不止此者請言其槩夫一
里之書謂之知數知數之上有區書區書之上有
縣總本縣每年點僉縣總必選殷實善戶然其人
不習計簿勢必僱人書算則今年之錢乙卽上年
之趙甲也縣總區書通同骹法業已成風凡花分
詭寄僉點運頭皆出其手卽如編審里長惟田多
者定役彼受富室重賄臨造冊前將田推某鄉宦
名下不作實收如百畝之家推去八十畝止餘二
十畝在戶遂得規免重役及過冊後潛自收回曰

吾已回贖甚則田去額存一有拖欠反將官戶比追此其弊在飛詭有等富民行賄此輩如田五百畝分作十戶編審時令十人在官應名夫五百畝之田總之則上戶分之則下戶也乃貧民不滿百畝者受役反出其上貧富混淆勞逸倒置此其弊在花分每年徵派錢糧例有羨餘乃自撮忽積之此輩乾沒爲奸積小成大假如今年會計每畝止該米一斗一升或於一升外加一合一合甚微民無吝色不知十畝則一升百畝則一斗千畝則一石萬畝則十石此輩雖有膏腴數頃不出賦而能

抵稅此其弊在暗增又總書與吏書通同爲奸如某里長名下該徵銀一百兩已徵八十兩未徵二十兩因得其賄將此未徵抵作遲解錢糧如弓絃鹽課之類及聞查盤官至又將前銀改作別項至有十年二十年不發者而利則盡歸猾胥此其弊在改徵大凡定里役後僉點運頭必照田丁多寡以爲重輕有等田多殷富者入賄此輩預匿畝數及吊取書算進內總書開數與區書相同何由查覈每每田多者反居下役此其弊在飛隱彼總書除戶糧不納外輒又包攬里長收糧時逕將兌運

等項錢糧寄在官戶名下彼得縱其溪壑而遲延拖欠往往代伊比併此其弊在淋糧又有總書通同庫書吏書等將緩征錢糧侵漁浪費一遇查盤書房捏造文案僞開花名假作細民拖欠如又不發覺此輩徑自肥家遇有發覺徒累親族拆派官府比追此其弊在那移又秀水舊有減則田近因區書作弊每將膏腴之田減十作九作八其積荒稍稍可耕者反作成熟蕩糧往往有不均之嘆至於圖虧之患莫甚于浮糧而其弊蓋有數說其一貧民迫于逋負巨室巧于併吞于交易時先用半

稽山題二集

卷之五

四

價壓契後旬日始徃丈量憑用大弓折十作九貧戶因前價已費不得已減畝求售于是田歸富室而糧存貧戶者有之其一奸民規富室貪置田產賄囑弓手擡九作十于是貧戶匿田而糧遺富室者有之其一蕩子鬻田戶存虛糧無從除豁別構刁奸輩認具名糧歸之本戶駕言比時開收不盡致累賠贖告官斷理于是朋奸得計而糧坐善戶者有之其一縣總區總各有虛糧數目慣與奸富爲市于是糧攤槩縣而田歸一家者有之此圖虧之弊最爲多端而不可究詰者也寒家有田有糧

正字通略不作備
備補備之集錄收
次第也五言五也

樹同樣集韻會
樣樣木感貌其韻
扶弱夫

累年無缺關會明甚曾有一于是乎而何爲纂入
圖獻此其乾沒之弊不待辯而自明矣幸明臺曉
示南臺家兄具狀撫臺行府查清業已明正其罪
受賜多矣第以民僞日滋弊源鼠穴此非一家之
事敢冒聞于臺下伏惟照管一釐而剔之地方幸
甚

與趙定宇

某頓首溺人必笑不佞將有問也不佞耳妄聞言
之爲生事不言情不達近有進讒於足下者謂不
佞且未釋然於足下又謂足下欲甘心不佞夫流

丸止于甌吏流言止於智者不佞之於足下生同
鄉進同籍業又同館非有睚眦之素也昔年有相
搆者世好兄弟不幸罹此聞諸先達何以爲顏引
鏡窺形何以施眉目然要之語言薄罪過耳卽忘
非有買首之讐不共戴天之恨也足下以氣節驕
我乎僕謂足下之於江陵也猶俟其失節而攻之
不佞已先其盛時而遠之是足下所目擊而深知
者足下固焦頭爛額之客不佞寔曲突徙薪之夫
假令丁丑之歲僕如在京當不令足下獨成其名
足下遽欲自驕而功之乎過矣過矣夫廉藺爭雄

賈寇啣恨至欲廷辱之手刃之而卒握手極歡爲
刎頸交况大丈夫心事光明磊落如天空海濶何
物不容乃聽細人之蜚譖疑同事之石交而愴悵
不能相釋者非夫也且足下直諒中誠洞見底裏
原無纖介可疑不佞平生媿媿自守戢翼而棲退
步而處心不期先人性不欲伎人口不能毀人足
下猶疑我乎請剖心以自明刎頸以見志詩云嚶
杳背憎職競由人又曰君子如怒亂庶遄沮僕願
與足下盟曰自今以後有讒夫交構者唾其面絕
其跡勿復與通僕無論在仕無論在田自今犬馬

之年所不傾心足下而或懷纖介之疑而面是背
違者有如日夫葵藿之傾葉也太陽雖不爲之迴
光而終向之者誠也僕有一念之誠欲進一言爲
正人君子之助所不出忠告而謾言以相怵者有
如日足下誠垂聽焉嘗聞宋哲宗時鄒浩以直諫
獲罪其友田畫戒之曰慎毋以此舉自滿士所當
爲者未止此也浩茫然自失謝曰君贈我厚矣足
下能爲鄒志完僕請效田畫正言而無誅可乎語
云行百里者半於九十言末路之難也足下直氣
勁節批龍鱗而劓虎牙扶天常培正氣歷九死而

不回義薄雲天聲稱竹帛能已見于天下矣今聖天子拔之幽廢之中二三元老皆虛已而聽自六官之長暨卿寺臺諫諸公靡不傾心帖耳奉命承教矜昧成飾皆溢成瘡如順風而呼聲益加長足下之意得矣顧人情靡不有初鮮克有終盛名之下其實難副足下今日舉動人情觀望社稷安危係之其積德禔身養國家和平之福使其名益盛而其道益光惟今日其或遲志快意招尤釀怨自墮其聲名亦惟今日足下不聞養由基楚之善射者也去柳葉百步而射之百發百中藉今矜能

逞技勿以善息少焉氣力倦弓撥矢鈞一發不中前功盡矣足下負海內之望有正人君子之名不乘此時增修至德善息而大用之而或標榜以相高排擊以相尚鼓雌黃之頰別青白之眸引繩批根滄訛齟齬如狐裘而羔袖天下其誰信之或謂足下宣言於朝曰夫已氏宜黜夫已氏宜罪前後開揭者幾四十人此誠不根之論然縉紳聞者靡不重足而立搏膺而踊至欲爭剗刃於公之胸者竊爲足下寃之夫足下出萬死不顧一生之計仗

義敢言以維持世道爲已任豈其弁髦夙志而效

淺中薄夫之爲。其若人心與國。是何必不其然。然而不佞。日有聞也。則不敢不爲足下一陳其愚心也。語云。專欲難成。衆怒難犯。故國武以翹過隕身。伯宗以直言賈禍。夫困獸猶鬪。况衆怒乎。足下不見其形。願察其影。且足下於今未有鈞衡之寄。未有生人殺人。貧人富人。貴人賤人之權。而人情危懼。縉紳側目者。無他。彼謂足下挾持重望。能鼓其言。覩影生疑。不無伯仁之惑。蓋觀其迹而未諒其心也。故曰。三人市虎。十夫撓椎。涓涓不息。流爲江河。可不慎哉。且吾聞之。積德累行。不見其益。有時

而大陰賊伎害不見其損。有時而亡。僕於足下有相規之義。願足下爲景星慶雲。使天下快而睹之。毋爲奔雷掣電。使天下驚而畏之。夫以足下之直氣勁節如此。高見卓識如彼。豈不知所以自審。而徒爲此嘵嘵也。且天下國家之事。非一人之意氣所能撐持。非一人之偏長所能幹旋。其變也有漸。而不可驟其成也。有機而不可擾亂。譬之人有病。疽者方其纍然而癢。腫也。投之寒涼之劑。以攻其內。佐之鑱石鍼艾。以攻其外。及其旣潰。則服以參朮。衛以梁肉。保護其元氣。而調攝其精神。卽有疥

癰餘毒流散肌表徐當自去耳藉令癰疽已潰復因小小疥癬而寒之涼之鏡之鍼之剝削而不已則精神羸尪元氣耗弱日趨於斃而已矣今朝政一新權奸屏息廟堂休休有容太平庶幾可興而議論未甚歸一精神未甚總攝譬若引陷車之輪纔得轉動不極力推之輓之終還淳而止耳此可不爲寒心哉泰之九二曰包荒用馮河不遐遺明亡夫泰之時君子道長小人道消尚何用於包荒何憂朋黨而聖人惓惓慮此何也蓋所謂包荒者非如宋人調停之謂也當否極而泰之時機會未

定人心未安必有老成持重之操有藏垢納汙之量去其泰甚消其未萌禦寇於西而毋進敵於東拒虎於前而毋縱狼於後鎮之以靜行之以權使恩威並濟寬猛雜施乃可以定國是而一人心使天下久安而不亂乃或不相其機宜不度其標本吹毛求疵如治亂繩而紛之使人主日猜疑於內宰相不敢主持於外議不歸公權不歸一其究也不激而外變則激而中制後雖噬臍其及之乎故易論馮河而必先之包荒誠慮之也又君子彙征稱正人者固多而其間成德中庸之士蓋寡或意

氣用事易於激昂。或標榜相高。易於護短。而一時望風景附之徒。多藉其游揚。以爲名高。如蟻慕羶。如蚋集醢。羣赴響臻。賢否易混。如楊畏首。叛大防。卒釀宋亂。此不可不察也。又或有好爲高論。逞於一擊。而卒貽國家之釁。或黨同伐異。藉公行私。報睚眦之小忿。傷和平之雅道。始猶以君子而攻小人。終且以君子而攻君子。始猶以意氣而相結比。終且以名位而相擠排。况夫鼓衆不已。必且招權。招權不已。必且召賄。而苞苴公行。倖門載啓。履霜。堅冰。勢所必至。又其甚者。如黨錮之慘。熙寧之禍。

非必皆小人之過。亦君子有以釀成之也。故聖人於拔茅彙征之時。而深致意於朋亡之戒。戒君子也。非戒小人也。今之所彙征者。非宿儒故老。則義士直臣。萬萬無是。然君子貴未然之防。毋寧使人謂我爲杞人也。與哉。僕今願足下法周易之義。思保泰之圖。體廟堂開誠布公之心。養國家忠厚和平之福。扶公義。無樹私交。敦大體。無求苛細。嚴君子小人之辨。釋縉紳士大夫之疑。以無負四海之望。而又惠顧世好。益敦友誼。無聽細人之說。爲射影之疑。盡棄小嫌。偕之大道。使僕得改事君。以全

終始無爲田畫鄒浩所笑語有之貌言華也至言寔也苦言藥也甘言疾也足下有批鱗之勇必不罪苦口之言其以吾言爲藥石而虛心採納亦惟命其震電馮怒而問失言之罪亦惟命敢私布之執事俾執事實圖利之

東鄒南臯

丁丑之歲足下釋褐金門不佞惠徼世誼風塵刺謁未得望履約幕下而雄文直氣竊嘗耳剝于朱先生之門旣而持節大梁便道歸里屬以彗星示異上相奪情三綱五常不絕如綫一時有志之士

碧山學士集

卷之五

十一

起而抗疏批鱗扶植人紀然進言者猶多斌媚而公獨辭嚴義正凜如烈日秋霜且目擊箠楚挺然抗論誓死不回惟時不佞里居卽已低回豔慕扼腕而談古稱忠義之士公真其人矣昨歲台駕入都僕從郊關一拜未遂請益竊嘗擁篲撤席從家兄後覬得侍教長者劇談千古一開醢覆而未獲如願至今惘惘若有所失也弟近不幸開罪于定宇聞定宇有意督過之敢披瀝以告足下不佞初與定宇筮交臭味相合卽金石莫逾也自丁丑歲稍有睚眦多出恚誤語言薄罪過眼浮雲卽使有

之猶不當較况無而爲有哉語曰改玉改行今定
字方以直聲動天下上徹宸衷下孚輿論此正改
玉之時不于此時增脩令德以永終譽上之以忠
厚扶國脉下之以正直風士林使天下曉然知正
人君子之作用有出尋常萬萬豈不稱愉快哉而
或脩睚眦報舊隙是狐裘而羔袖也况形人之短
而已不得長揚人之薄而已不得厚亦大可惜矣
自足下行後定字爲大宗伯之故都門籍籍謂其
開揭中傷者幾四十人顧影生疑縉紳側目弟偶
乘一時意氣極論危言竊比田畫責鄒浩之義定

字初亦下拜欣受似若冰釋者而又爲讒夫所構
竟使忠告番成罪言信而見疑忠而受戮自古記
之矣且書中杞憂非獨爲趙前敞同門傳慎所書
來弟荅啓亦言及之曾不知忌諱夫傳公者弟之
所兄事而師承者也弟惟知善人能受盡言故以
待慎所者待定字其用情未嘗不厚爲謀未嘗不
忠立言未嘗不正足下試閱此書曾有瑕疵其間
乎乃聞有好事者刻播南中以致謠詠弗亮噴有
煩言非特昧僕所以致書之意而使千古友朋責
善之道從此泯沒矣足下于趙爲石交于不肖兄

弟爲世講故不自揣度敢以書聞于下執事伏望
察其瑕釁之由原其所以致書之意爲弟一杖拭
焉倘定宇處有聞問相及并望爲弟緩頰一言解
譬維持友誼毋爲田畫鄒浩所笑此非千古人物
如足下不能言弟亦非足下不敢告也弟平生推
魯了無寸長獨能謹守名節不敢越尺寸然他人
多以鈐自隨而不肖獨闇然自知凡人之趨炎者
人亦趨之門常如市遠炎者人亦遠之門常如水
弟自筮仕以來杜門守拙無上援無廣交足下知
之必真其以爲市耶水耶世道交喪是非謬戾有
識者不能不爲長太息也圓覺經云苟知我空無
毀我者弟今惟以此自勗願丈從容以告定宇吾
儕能爲金石人耶老冉冉至矣人壽幾何天下事
所當幹者幾何吾身心所當致力者幾何而暇爭
此睚眦耶亦知定宇高明必能無介于懷也忝恃
世誼敢布腹心伏惟台亮

復周傲川

吳門一別歲籥幾更長安奕棊幾變攬鏡窺形漸
非故吾矣焉得魯陽戈使燭龍常不瞑哉蓋不佞
少多失學長乏真修猥以雕蟲濫竽仕版而區區

守鉛槧日伴蠹魚尺寸未豎何能如門下所稱矧
蒲質早衰蓬心未啓嘗憶孔子所謂四十無聞聞
者何事寤寐以思杳無所得門下試一叅之固不
必問南華訪壺丘矣何如何如長公績學脫穎在
卽三令嗣亦翩翩異材也有如一朝競爽聯趨鴻
達門下顧不愉快哉僕日望之遠承翰貺多感睠
存幸爾附謝不一

東陸伯生

適接手教知丈骨肉之愛道義之雅金石之交非
泛泛事徵逐問寒暄緩急無賴者倫也弟近致宮

碧山學文集

卷之五

五

三百五

贊一書蓋效古田畫責鄒浩之義然彼得書卽蒲
伏過弟再拜謝教雖未必出其誠心亦不能謂余
言之非是也迺至他人噴有煩言弟誠莫解其故
文試觀此書有他意耶弟書在暮春而後來紛紛
竟莫出弟所料說者謬以爲有薛季昶之慮使彼
早從弟言必無後日之紛紛也朋友相規自古有
之何獨疑于今哉弟平生椎魯木強妮妮自守自
筮仕以迄今日一官十四年上無援下無推而弟
惟守拙養鈍曾不挂榮利目不見貴人足不涉炎
路稍不如意輒思納履而去有田可耕有子可教

家近西湖可舟可漁六橋三竺之間築室數椽藏書萬卷當此盛夏解衣盤礴箕踞胡床興至或吟小詩啜茗茗道遙歲月不減無懷葛天縱使九棘三槐亦何以易此樂也其視憂讒畏譏馳驚千車塵馬足之間豈不大有逕庭乎江陵籍門之慘丈讀邸報否弟謂江陵死生皆爲仕途捷徑前此數年以生江陵爲泰山而諂附之以希榮膺後此數年以死江陵爲奇貨而排擊之以博榮名然今之排擊者嘗出于昔之諂附者是可鄙也弟生不能趨之死不忍皆之功名有命富貴在天何必弄此機關令彼蒼陰笑乎文以爲何如

碧山學士集

卷之五

十五

復趙澱陽

某朱愚無似微時厚幸獲從明公長者遊承明之廬架護時親典刑在望雖壽陵學步不能趨武萬一而高山景行未嘗頃刻忘也柰崑岡烈焰玉石俱焚自丁丑之冬得從仙舟望見履絢及今思之臆臘凡幾更矣邇者公道大明端人彙進門下碩望深資旦夕爰立當不久滯周南引領仙旌日月以冀卽詞林先達亦時時有停雲之思也遠承翰教多荷瞻存敢肅使者以謝尊命之辱伏惟台照

幸甚

復李翼軒

今天下稱倜儻非常之士。雄視寓內者。率弁冕李
先生。李先生都金馬著作之庭。不佞未足當鞭箠
使也。而先生誨植游揚。施恩于不報。俾不佞亦得
執麈尾以從。顧悛悛鄙人口不能道。詞未能負。墻
攻堅竊窺武庫之藏。而先生且以蛾眉見妬。試望
之于三輔矣。嘗一再奉先生赫蹏。卽欲搦管對使
者。如小巫見大巫。縮胸而不敢前。顧安能修一竿
牘也者。而致之先生。頃得先生白嶽書。竊沾沾自
喜。籍令僕不交丁令公。或先生不登齊雲焉。得球
琳琬琰。從天而下也。惟楚有材。令公亦遠。犖非凡
品。聞其爲令廉平無害。海陽之民戴之如父母。吏
不當若是耶。安問上官顧名譽。不張朋友之過。相
知者。極不忘耳。今世道一新。先生同事者。率致身
青雲之上。天子方虛前席。召對願舍人。趨治行。不
佞當負轡以迎都門也。敬因翔便。附布區區。并拜
尊命之辱。惟先生財察。

復朱大復

鳧鳥南飛。政聲日聞于耳。卽直指使者書來。亦津

津譽之不覺肝衡喜大抵今之爲令者撫民貴慈懲胥尚嚴聞舒民感公如父母足稱豈弟然禍滑胥吏乾沒爲奸乃其素性令旣廉明不得遂其溪壑而又從而譙呵之箠撻之使彼無所容則怨望必深亦能變亂黑白以肆其慳伎不逞之心此亦不可不慮也衛叔實嘗云人有不及可以情恕非意相干可以理遣此言當置之座側執事寬嚴並濟必不其然然精核太過者其弊常至于此願執事念之時事紛紛朝廷之上有如聚訟四方風聞何似便中幸示遠承翰貺敢肅使者以謝尊命之辱

復王荆石

海內人士引領望閣下還闕久矣閣下稟乾坤正氣特操高標天壤俱敝而且議論嘗依忠厚不肖豎子何足知天下事竊嘗奉教諸君子以爲今時事紛紛朝廷之上幾如聚訟得明公者旦夕應蒲輪之召起而持衡秉鈞調劑鎮服之不惟儉夫媚子闕望反覆之輩見睨而消卽一時好氣爲名高者亦如河伯之見海若望洋愧歎而有所就以折衷然後國事可定太平可與此廟堂側席之意縉

紳引領之情信有賢于夢卜者今禪除在邇拜麻
之命且下願舍人趣治裝入相天子以慰輿情不
才如某何足當相公鞭箠使亦願從諸大夫後負
轡以迎都門也遠承翰貺僂僂拜登敢肅使者以
謝尊命之辱伏惟台鑒

復管悅齋

春明聚首惠愛勤渠榮戟南行載更臙臘門下文
武壯猷安危注意擁繡斧而秉鑑衡短後曼胡膝
行蛾伏青衿髦士聯衽聽命豈不稱愉快哉不佞
陸沉銅馬嵒竄日甚一官十四年上之不能樹駿
碧山學士集 卷之五 六

垂鴻襄詡休明次之又不能博綜玄覽勒成一家
言下之又不能浮沉世故隨俗而趨髮短而心不
長蓋頽然老矣老丈聲猷赫然旦夕開府異日者
秉樞持衡幸以餘光振之遠承翰貺多荷瞻存敢
肅使者以謝

復習豫南

憶昔校書天祿共飯承明時得聆長者之誨轉眼
舊遊盖不知幾更臙臘矣今聖天子夢卜求賢端
人彙進門下重望深資旦夕爰立橋門冠帶恐不
能久籍師資願舍人趣治行以副九重側席且慰

故人停雲也。承惠隋史，多荷瞻存。敢肅使者，以拜尊命之辱。惟先生財察。

東虞德淵進士

自執事賜告歸里，離索日甚。客從南方來，道執事深入山中，嗽流枕石，豈不稱獨寤哉。顧選期伊邇，願卽脂車，且以執事才名，戶外屢嘗滿，勞形怵心，敝精神于蹇淺，固不若金門可以避世也。至如不佞所需于執事者，日月以冀，姑勿論矣。惟執事財察。

復賈石葵巡撫

碧山學士集

卷十五

十九

方今明良交泰，朝政維新。聖天子寤寐英賢，弓旌巖穴。明公以碩德宿望，起家中丞，鎮撫畿輔，重地文武，壯猷將萬邦爲憲。豈直六郡三關，函蒙祉福也。某僕遯濫尾，頽行更微，寵于瀛洲，舊誼隆情，渥愛時切。銘心忽承，鼎翰遙頒，如從天而下，偃僂恭承。豈勝啣戢，敢肅使者，以謝尊命之辱。伏惟台慈垂鑒，不宣。

復溫一齋巡撫

明公碩望瓌材，卓犖寓內。聖明簡擇，而使開府東南。檠戟一臨，春膏秋霜。山川且爲改色，往者軍民

交變危如累卵，賴社稷之靈，諸公幹旋之力，士民安堵如故。所慮者財匱民窮，室如懸磬。近又爲三服官所窘，廩庾告匱，行軸其空。惟臺下恫瘝在念，勞心焦思，節省奏留，皆爲當今要務。此兩浙士民之福也。回首枌榆，豈勝慶藉，遠承翰教，多荷瞻存。敢肅使者以謝，伏惟台慈垂炤，不宣。

復趙定宇太史

都門祖送，忽復改歲。足下明德重望，朝野傾心。且神王氣克，何恙不已。或足下登嵩山遊少陵，觀達磨面壁處，頓悟無生，欲超塵劫，而踐夙盟。故有此碧山居士集卷之十五。二三百四。舉耶然廟堂側席，故人停雲，足下安得獨醒也。簡命惟新，願言遄發。

復蕭軋養太僕

老丈洒落襟懷，居此勝地，溪深魚肥，泉香酒冽，逍遙吏隱，何異登仙。安得有此夙緣，令人心妬。第恐重望深資，旦夕膺陟，開府擁旄，奪我醉翁亭耳。弟陸沉銅馬，皆竅如昨。老丈何以振我，承惠嘉魚，敬附使者言謝。

復馮具區

別來幾更，媵臘聞闕，馬乃拜尊命之辱，重拜大

貺令不佞愧歎不佞冉冉老矣一官半世碌碌未
有寸豎惟見燕市風塵倏忽改變朝而側肩暮卽
掉臂如夢幻泡影具隻眼者直須腐鼠視之足下
天挺人豪睥睨塵寓乃獨以聯翩赤霄爲不肖兄
弟快得無猶涉世套乎讀禮之暇博綜玄覽聞與
袁先生時時握手劇談名理使僕神飛鷁水之上
佳城卜於何地惟是春秋窀穸計獲襄事矣卽吉
有期會晤非遠惟努力加餐是望

柬賀道星

足下入都門見衣冠輻輳豈不稱壯麗哉無何而

碧山學士集

卷之十五

十一

三百五十五

虎噬龍爭朝如聚訟人心大壞國是幾搖意謂神
武之冠且當山積矣今大鐺物故稍稍安定賀先
生陳義甚高將一日千里有世道之責其何以砥
柱頽波挽回世道哉近復采科臣議遣京朝官典
試大率用科部中行何物主司羅此佳士不佞當
拭目以俟焉家兄行便附布起居伏惟崇炤幸甚
復沈貞石

不佞少多失學老且無聞一官半世碌碌未有表
見今隙駒不待羲馭已西向之所欲和鸞鳴騶按
轡徐行者方且爲弛擔計矣辱門下溢愛獎誨過

情言僕往者僕不敢當言僕將來恐竟成畫餅以
貽門下羞門下敦倫樂善陳義甚高不佞反覆爲
令君頌之令君非重不佞言重足下高誼也遠承
佳惠謹托便羽陳謝卒卒未遑覲縷

復王洪陽武選

往歲道聊城問莫明府知足下杜門掃軌耽寂草
玄矚然塵埃之外恨不能執鞭弭以從左右足下
固今之干將太阿也能水斷蛟龍陸剗犀兕乃又
滿志善藏養其全鋒而大用之異時解錯分糾恢
恢乎遊刃有餘地矣今 主聖時清泰茅彙進願

碧山士集

卷之十五

十一

三百五十四

舍考槃之詠賡卷阿之章副廟堂側席之求慰故
人停雲之想式遄其來兄無再計弟陸沉此中皆
窳如昨未能修蹇淺尺牘奉候興居迺承翰貺遠
頒多感厚誼豚犬子如壽陵學步匍匐邯鄲耳何
當長者推轂耶敬附使者以謝尊命之辱伏惟崇
炤不宣

東楊廉峰侍御

憶昔燕邸追隨劇談名理不佞未能窺武庫之藏
而千古襟期臭味不爽誠昕夕嚮往之顧宦海萍
踪良會不再嗣雖逐隊顏行而策馬投刺無由得

一晤語幾爲悵然。適有七閩之役，非才濫竽。旣惕然懼，台光在望，又蹇然喜。頃承翰教，乃知故人情彼此同矣。不佞木強難器，稚魯少文，惟是赤心，或可不負知己。然非門下俯念雅故，重加檢押，俾獲免顛隕，以無遺知已羞，不佞其何所恃焉。閩故人才淵藪，且入門下陶鑄，觀風所校，桃李成蹊，不佞矢竭心目，倘能盡入網羅，或庶幾伯樂之門。所謂九方臯者，非耶。聞廣文先生止有五人，惠徼寵靈，得多取貴屬諸公，以克校閱，不勝大願。

復吳景山年兄

碧山學士集

卷之十五

廿三

三百四十五

門下超凡入聖，皜然不滓，弟敬之慕之，苦海無邊，回頭是岸。弟於此念竅切，緣家在長安，未免咕囁念兒女，遂已北轅，不得過玄門。一領竅妙真訣，殊恨之。明歲倘徼天幸，兒曹或登第，便當掛冠神武，肩瓢戴笠，從文爲五嶽遊，第恐東山重望，且有蒲輪來徵者，又未可期耳。使旋，率爾附謝，伏惟照鑒，幸甚。

柬董潯陽宗伯

某稚魯，豎儒，文質無所底，徼時厚幸，濫厠詞垣。每聞學士先生長者品，隲前猷，譚當代鉅儒，鴻烈靡

不抵掌頌先生。侷儻非常。文章學術。振耀古今。綸扉之上。承明金馬。著作之庭。籍得起先生於東山。相與典潤。皇猷鴻裁。國史不稱。愉快乎。此輿情衆望。真不啻如泰山北斗。爲天下所宗嚮也。鄉未晚進。欵啓寡聞。無足當鞭筆使者。而先生篤於榆之誼。念肺腑之情。屢借吹噓。猥承眄睐。固知長者休容。軼追吐握。而小子何緣。繆膺寵賚。若此。所謂恩重丘山。義足灰沒矣。頃者率爾北轍。弗及。搢衣登別。而鼎翰瓊儀。儼然辱而貶之。且獎詡溢分。屬望過情。長跼捧讀。且感且愧。語云。崧高在前。丘陵

無色。明公操一代作者之衡。蜚鴻藻。振大雅。冠冕人倫。羽儀世道。培塿蟻垤。惡敢望泰華之一卷哉。顧高山景行。仰止芳躅。以私淑自艾。則區區之夙心。所不敢自棄於長者也。今天子寤寐英哲。訪落猶勤。安車蒲輪。旦夕且至。從茲鹽梅聖德霖雨蒼生。爲社稷無疆之計。天下幸甚。小子無能爲役。惟願竊四壁之光。徼九里之潤。爲終身依庇。是所私於先生者耳。台光漸遠。瞻戀彌殷。謹肅一介。起居蹇淺。不恭無任惶悚。

